



EH BILDU-ELKARREKIN DONOSTIA (Podemos / Ezker Antiza-IU / Equo Berdeak)

Ijentea, 1 - Tel. 943481027 - [www.donostia.ehbildu.eus](http://www.donostia.ehbildu.eus) -  
20003 Donostia

DONOSTIAN, 2020KO IRAILAREN 18AN

## **HAURTXOKO, GAZTELEKU ETA ETXARRIENKO ZERBITZUEN ESLEIPEN BALDINTZETAN MURRIZKETAK DIRELA ETA**

Aitzole Araneta Zinkunegi, ELKARREKIN DONOSTIA udal taldeko bozeramaileak eta Markel Ormazabal Gaztañaga EH BILDU udal taldeko zinegotziak, Udalbatzaren Organo Araudiaren 98. artikulua oinarri, mozio hau aurkezten dute Udalbatzan azter dadin. Mozioa 2020ko uztailaren 13an eta irailaren 14ean Pertsonen Batzordean aztertutako interpelazzen ondorioa da.

### **JUSTIFIKAZIOA**

Abuztuaren 4ean Donostiako Tokiko Gobernu Batzordeak erabaki zuen (eta hala argitaratu) Haurtxoko, Gazteleku eta Etxarrirenko zerbitzuak presaz emateko espedientea abian jartzea, haur eta nerabeen bizi-kalitatea hobetu nahian zerbitzu hau, alarma-egoeraren ondorioz etenda egon zena irailaren 1ean berriro martxan egoteko. Aurretik, uztailleko batzordeetan Gazteria ardura duen zinegotzi ordezkariak azaldua zuen zerbitzua 2021eko urtarriletik hasiko zela berriro ematen.

2020ko abuztuaren 6an udalaren oinarriak argitaratu direnean, ordea, aurreko aldi ateratako pleguetako baldintzekin konparatuz aurrekontuak ia 400.000 euro gutxiago izango ditu, aurrekoaren aldean %20tik gorako murrizketarekin. Pleguek subrogazioa jasotzen badute ere, lanpostu guztiak mantentzea ezinezko da. Gainera, zerbitzuaren ordu kopuruak ere behera egingo du: jardunaldi luzekoek 33 ordu egin ordez 27,5 egingo dituzte, eta gainontzekoek 21 ordu egin ordez 16,5. Aurrekontua eta orduak murrizteaz gain, Parte Zaharreko gaztelekuaren itxiera ere agertzen da oinarri hauetan. Bestalde, pleguak jasotzen du alarma egoera berri batean 44 langiletatik 38ren lanpostua bermatzen dela, gainerako langileei kaleratzeko atea zabalik utziz.

Kontutan izan behar dugu zebitzu hauek 2010eko uztailetik langileen lan-baldintzetan eta eskaintzen den zerbitzuaren denboran kalte nabarmena gauzatu dela, hala nola, gizarte hezitzaile kategoria galtzea dinamizatzaile kategoria hartzeko (betebeharrak gizarte hezitzaileenak izaten jarraitzen zutelarik), uztailen ematen zen zerbitzua moztea, edo iada momentu honetaraino gauzatu diren ordu murrizketak, besteak beste.

Hau jakinda, langileek bai emailer bai erregistro bidez (3 aldiz), eta bai ELA sindikatuaren intermediazioarekin hainbat bilera eskatu dizkiete bai Gazteria sailari bai zinegotzi ordezkariari joan den abuztutik. Gazteria sailetik irailean, saileko arduradunak oportetatik bueltan baina iada esleipen prozesua martxan izango zenean elkartuko zirela adierazi zitzaaien langileei. Zinegotzi ordezkariari abuztuaren 12tik irailaren 14rarte hainbatetan biltzeko eskaria luzatu diote, inongo erantzunik jaso gabe ordura arte. Irailaren 14ko batzordeetan galdetuta ea langileekin biltzeko asmorik bazuen, zinegotzi ordezkariak lizitazioa errekurrituta dagoela adierazi zuen, eta hor ikusiko zela zer gertatzen den. Gazteria sailak zein zinegotziak erantzuna bidali diete langileei irailaren 16 eta 17an esanez biltzeko inongo asmorik ez dutela lizitazioak martxan dirauen



EH BILDU-ELKARREKIN DONOSTIA (Podemos / Ezker Antiza-IU / Equo Berdeak)

Ijentea, 1 - Tel. 943481027 - [www.donostia.ehbildu.eus](http://www.donostia.ehbildu.eus) -  
20003 Donostia

bitartean.

Bestalde, mozio hau erregistratzen ari garen garaian lizitazio hau kontratazio mahaian erdibidean dago, eta ez da aurreikusten esleipena azaroa baino lehenago gertatzea, eta beraz ez da inongo zerbitzurik eskainiko iraila eta urriaren zehar, Tokiko Gobernu Batzarrak argitaratutako prentsa-oharrean hori adierazten bazen ere, inongo prorrogarik sinatu edo planteatu gabe. Gainera helegitea aurkeztu izanak epe guztiak luzatuko ditu, udal gobernuak erabaki baitu lizitazio prozesua etetea helegitea argitu arte.

Deigarria da ikustea Donostiak baino aurrekontu askoz txikiagoa duten inguruko udalerrri askotan ez direla Haurtxoko eta Gazteleketan murrizketarik egin. Are gehiago, nabarmentzekoa da Zumaian, adibidez, zerbitzua udal zerbitzua dela, eta beraz langile publikoak dira, ez baitago subkontrataziorik. Zenbait tokitan zerbitzu hauek funtsezko zerbitzu bezela onartuta daude, oinarrizko balio bat dutela baloratzen delako.

Gainera, COVID-aren egoerak sortutako udal diru-sarreraren urritzea aztertuta, diru-partidan hainbat aurrezte gertatzen ari dira: irailerako aurreikusita zeuden gastuak ez dira gauzatuko, ziur aski zerbitzua martxan jartzen denerako urriko soldatak ere ez dira ordainduko eta beraz aurreztuko dira, parte zaharreko zerbitzua eskaintzeari utzi zaio eta ondorioz diru hori ere aurreztuko da. Beraz, hor badago diru poltsa bat aurreztua. Beraz, argi dago mozketak ezin daitekeela justifikatu.

Langileen lan-baldintzak urratzeaz haratago, batzordean aurkeztutako interpelazioan zinegotzi ordezkariak adierazi zuen pandemia egoera honetan hiritarrengan eta eurei eskeinitako zerbitzuetan pentsatu beharra dagoela. Eta hau da, zoritxarrez, gertatuko dena zerbitzu hau plegu hauen baldintzetan martxan jartzen denean: lanaren kalitatean eta ikasturte hasiera honetan haur, nerabe eta familiek hain beharrezko duten zerbitzuan eragin zuzena izango du, eta langileez gain Haurtxoko, Gazteleku eta Etxarrienerako erabiltzaileek pairatuko dituzte ondorio hauek. Murrizketa honek zerbait berresten badu, haur eta gazteen aisialdi eta heziketan izango duen eragin kaltegarria da hain zuzen ere, izan ere zerbitzu hauek, pleguetan deskribatzen diren bezala, adingabeen garapen integrala eta autonomia sustatzeko guneak baitira, eta pandemia egoera honetan familia askorentzat erreferentzia gune eta funtsezko baliabide bihurtu direlako haur, nerabe eta familien osasuna babesteko.

Udal gobernuak dauka azken hitza edozein gauza aldatzeko behin esleituta dagoenenean. Beste egoera batzuk egon dira non esleipenaren baldintzak eten diren baldintzak onargarriak ez zirenean. Borondate politikoa dago atzean, lizitazioaz haratago.

Hortaz, azaldutako egoera kontuan hartuta, behean sinatzen duten zinegotziek honako MOZIO hau aurkezten dute:

### KONTROL MOZIOA

1.- Udalbatzak hertsatuki eskatzen dio Udal Gobernuari langile hauei argi adieraztea eta modu zuzenean informatzea noiz hasiko diren lanean.

2.- Udalbatzak hertsatuki eskatzen dio Udal Gobernuari langileek eta sindikatuek luzatutako bilera deialdiari baiezkora erantzutea.



EH BILDU-ELKARREKIN DONOSTIA (Podemos / Ezker Antiza-IU / Equo Berdeak)

Ijentea, 1 - Tel. 943481027 - [www.donostia.ehbildu.eus](http://www.donostia.ehbildu.eus) -  
20003 Donostia

3.- Udaltzakerak hertsatuki eskatzen dio Udaltzakerari Haurtzokoa, Gazteleku eta Etxarrienerako zerbitzuetan plegu hauek oinarri dituzten murrizketak ez egitea.

4.- Udaltzakerak hertsatuki eskatzen dio Udaltzakerari Haurtzokoa, Gazteleku eta Etxarrienerako langileei helegiteak eta horren ondorioz suertatzen diren atzerapen eta erabakien berri ematea.

5.- Udaltzakerak hertsatuki eskatzen dio Udaltzakerari Haurtzokoa, Gazteleku eta Etxarrienerako langileen lan-baldintzak, lan orduak, eta langileen lanpostuak bermatzea.

6.- Udaltzakerak hertsatuki eskatzen dio Udaltzakerari Haurtzokoa, Gazteleku eta Etxarrienerako langileen baldintzak mantentzea, konfinamendu berri bateko "baldintza bereziak" (lizitazioan agertzen den bezala) gertatuz gero.

7.- Udaltzakerak hertsatuki eskatzen dio Udaltzakerari Haurtzokoa, Gazteleku eta Etxarrienerako langileek eskaintzen dituzten zerbitzuetako baldintzak (langile kopurua, ordutegia, egitekoak...) hobetzea datorren urtean, zerbitzua prorrogatu baino lehen, gizarte eta osasun baldintzak hobera aldatuko balira.

8.- Udaltzakerak hertsatuki eskatzen dio Udaltzakerari Haurtzokoa, Gazteleku eta Etxarrienerako langileek betetzen dituzten funtzioen kategorian izendatuak izatea datozen lizitazioetan.

9.- Udaltzakerak hertsatuki eskatzen dio Udaltzakerari Haurtzokoa, Gazteleku eta Etxarrienerako zerbitzuak "funtsezko zerbitzu" izendatzea.

Aitzole Araneta Zinkunegi  
Gaztañaga  
**Elkarrekin Donostia udal taldeko bozeramailea**

Jon Markel Ormazabal  
**EH Bildu udal taldeko zinegotzia**